

## POZIV ZA DESETU JAVNU DEBATU

### „Počinioci i žrtve krivičnih djela su naša djeca – Sprječimo maloljetničko prestupništvo“

Put BiH ka Evropi u mnogome zavisi od mogućnosti bh. društva da se izbori sa aktualnim problemima. BiH je zemlja sa mnogo problema, ali i sa mnogo inicijativa za rješenje. Jedan od najaktualnijih problema, koji pogađa cjelokupno društvo, jeste maloljetničko prestupništvo, koje je od 2011. postalo i veći problem jer više ne postoji državna Strategija za borbu protiv maloljetničkog prestupništva. Mediji gotovo svakodnevno izvještavaju o krivičnim djelima koje počinu maloljetni prestupnici, koji su nerijetko povratnici u činjenju krivičnih djela.

Na IX javnoj debati, i pored teškoća sa formiranjem vlasti nakon izbora u oktobru 2010. godine, ostvarena je dobra suradnja sa svim prisutnim predstavnicima vladinih institucija, ali i sa nevladinim organizacijama i medijima. Svi navedeni sektori su pokazali zainteresiranost za zajedničko kreiranje rješenja maloljetničkog prestupništva i spremnost da zajedno sa CKD-om nastave javno, pred očima građana, zagovarati za rješenje maloljetničkog prestupništva.

Dana **28.09.2011. (petak)**, Centar za kulturu dijaloga (CKD), organizira Desetu javnu debatu „Počinioci i žrtve krivičnih djela su naša djeca – Sprječimo maloljetničko prestupništvo“ od **11.00 do 16.00 sati**. Ciljevi javne debate su praćenje i analiza realizacije obećanih aktivnosti i planova za iznalaženje rješenja problema maloljetničkog prestupništva. **Javna debata će biti organizirana u Hotelu Grand u Sarajevu.**

Cilj Desete javne debate jeste prezentirati građanima dostupne informacije o maloljetničkom prestupništvu kao i omogućiti nesmetano postavljanje pitanja o temi predstavnicima relevantnih institucija. Ovaj cilj je u direktnoj vezi sa „Izjavom o međusobnom kontinuiranom izvještavanju sa ciljem uspostavljanja transparentnosti rada svih angažiranih sektora i otvorenog dijaloga među njima u rješavanju problema maloljetničkog prestupništva“ usvojenom na debati od 28.05.2010.

**Deseta javna debata se provodi u okviru "Programa za poduzetnu omladinu" što je jedna u nizu aktivnosti koja se realizuje u okviru projekta koji finansira italijanska vlada, a implementira Svjetska banka u BiH. Projekat su također podržali: Općina Novo Sarajevo i Općina Ilidža. Značaj ove podrške je veliki jer govori da donatori prepoznaju ovaj problem kao akutan.**

CKD nastoji kroz argumentiran i uređen dijalog, uz pomoć izvještaja o radu odgovornih vladinih institucija, škola i NVO sektora, omogućiti analizu i praćenje do sada postignutog. Svi prispjeli izvještaji će biti prezentirani javnosti čime se pokazuje odgovornost institucija angažiranih u ovom problemu.

Poseban akcent bit će na prezentiranju i analizi obećanih-realiziranih aktivnosti i planova. Predviđeno je iznošenje sljedećih prezentacija i izvještaja za koje se očekuje, da ovoga puta, predstave predstavnici nadležnih institucija:

**PROJEKAT: "Počinioci i žrtve krivičnih djela su naša djeca –  
sprječimo maloljetničko prestupništvo: u lokalnim zajednicama"**



**MOZAIK**  
FONDACIJA  
ZA RAZVOJ  
ZAJEDNICA

"Program za poduzetnu omladinu" je jedna u nizu aktivnosti koja se realizuje u okviru projekta koji finansira italijanska vlada, a implementira Svjetska banka u BiH."



Općina Novo Sarajevo



Općina Ilidža

Prezentacija pravosudnog sektora (Nadležna ministarstva FBiH i RS)  
Prezentacija pravosudnog sektora (Sud i Tužilaštvo: općinski, kantonalni, FBiH, RS, Sud BiH)  
Prezentacija sektora za socijalni rad (KS, FBiH, RS)  
Prezentacija obrazovnog sektora (KS, FBiH)  
Izveštaj Zavod Hum  
Izveštaj Disciplinski centar Vogošća  
Izveštaj KPZ Zenica  
Izveštaj KPD Kula  
Izveštaj KPZ Tuzla  
Prezentacija MUP-a Kantona Sarajevo  
Prezentacija FMUP-a  
Kordinaciono tijelo za implementaciju strategije u BiH  
Prezentacija medija  
Prezentacija NVO sektora  
Prezentacija Grada  
Prezentacija Vlade KS  
Prezentacija Udruženja Vijeća roditelja BiH i KS  
Prezentacija škole, Vijeće roditelja, Vijeće učenika  
Prezentacija Vijeća ministara BiH  
Prezentacija kulture dijaloga

Iskreno se nadamo da će sve pozvane nadležne institucije, kao i mnogo puta do sada, uvidjeti značaj zajedničkog rada na rješavanju problema, i da će vladin i nevladin sektor uz podršku medija iz BiH ponovo udružiti snage kako bi problem bio riješen. Cilj debate je razvoj demokratskih načela kroz aktivni angažman svih građana u izgradnji civilnog društva, a ne obezvređivanje jednih ili promociju drugih političkih opcija ili nevladinih organizacija. Učešćem na Debati pokažimo da je bh. društvo građansko društvo, spremno na ulaganje napora kojima će problem prestupništva biti smanjen a BiH učinjena sigurnijom i boljom. Pokažimo da je bh. društvo zrelo za promjenu na bolje koju svi zaslužujemo i pokažimo da smo spremni zaštititi našu djecu i generacije koje dolaze jer **počinitelji i žrtve krivičnih djela su naša djeca-spriječimo maloljetničko prestupništvo.**

Srdačno vas pozdravljamo sa željom da se uskoro susretnemo na Desetoj javnoj debati i zajedničkim naporima učinimo BiH zemljom sigurnom za život.

Sarajevo, 10.09.2012.  
Br. protokola: 268/12

---

Sanja Vlasisavljević  
Direktor  
Centar za kulturu dijaloga  
Augusta Brauna 6  
71 000 Sarajevo  
Tel: + 387 33 203 668  
Fax: + 387 33 208 370  
e-mail: [izvjestaji.ckd@gmail.com](mailto:izvjestaji.ckd@gmail.com)  
web: [www.ckdbih.com](http://www.ckdbih.com)

PROJEKAT: "Počinioci i žrtve krivičnih djela su naša djeca –  
spriječimo maloljetničko prestupništvo: u lokalnim zajednicama"



"Program za poduzetnu omladinu" je jedna u nizu aktivnosti koja se realizuje u okviru projekta koji finansira italijanska vlada, a implementira Svjetska banka u BiH."



Općina Novo Sarajevo



Općina Ilidža